

中國近代史資料叢編之一〇

# 辛亥革命資料彙輯

第三冊

存萃學社編集

大東圖書公司印行

中國近代史資料叢編

# 辛亥革命資料彙輯

第三冊

存萃學社編集

大東圖書公司印行

DR 13/1101

中國近代史資料叢編  
辛亥革命資料彙輯  
第三冊  
存萃學社編集  
周康雙主編

\*  
大東圖書公司印行

代表人：劉志強  
香港軒尼詩道123號13樓

\*  
版權所有 不准翻印  
1980年10月第一版

# 辛亥革命資料彙輯 第三冊

## 目錄

### 各省起義

#### 雲南

滇省光復始末記……………李文漢……………一

《革命文獻》第五輯

辛亥雲南光復記……………陳春生……………六

《革命文獻》第五輯

雲南首義諸人略歷……………李根源……………二六

《革命文獻》第五輯

#### 直隸

灤州起義記……………劉驥……………1

《近代史資料》一九五八年第二期（總十九期）

天津國民捐和同盟會活動的回憶……………劉清揚……………三一

《近代史資料》一九五五年第二期（總五期）

江西

辛亥江西光復記 ..... 蔣君羊 ..... 三八

《革命文獻》第四輯

貴州

貴州辛亥革命史略 ..... 胡剛、吳雪儔 ..... 五三

《近代史資料》一九五六年第四期（總十一期）

江蘇

南京陸軍第九鎮起義始末 ..... 程家模 ..... 一四

《革命文獻》第四輯

辛亥光復南京記事 ..... 茅乃登、茅迺封 ..... 9

《近代史資料》一九五七年第一期（總十二期）

南京戰事略記 ..... 莊晤 ..... 47

《近代史資料》一九五八年第二期（總十九期）

關於攻取南京天堡城情形之報告 ..... 張兆辰 ..... 一一一

《革命文獻》第四輯

|        |     |    |
|--------|-----|----|
| 鎮江光復史料 | 張立瀛 | 57 |
|--------|-----|----|

《近代史資料》一九五七年第六期（總十七期）

|         |             |    |
|---------|-------------|----|
| 揚州光復之回憶 | 張羽屏口述、卞孝萱記錄 | 64 |
|---------|-------------|----|

《近代史資料》一九五八年第二期（總十九期）

|        |     |    |
|--------|-----|----|
| 回憶揚州光復 | 周無方 | 67 |
|--------|-----|----|

《近代史資料》一九五八年第二期（總十九期）

|         |     |    |
|---------|-----|----|
| 興化縣光復記略 | 任治丞 | 70 |
|---------|-----|----|

《近代史資料》一九五八年第二期（總十九期）

## 浙江

|         |     |     |
|---------|-----|-----|
| 光復杭州回憶錄 | 鍾豐玉 | 一二五 |
|---------|-----|-----|

《近代史資料》一九五四年第一期（總一期）

|            |      |     |
|------------|------|-----|
| 辛亥革命杭州光復別記 | 斯道卿述 | 一四〇 |
|------------|------|-----|

《近代史資料》一九五六年第一期（總八期）

|            |     |     |
|------------|-----|-----|
| 辛亥革命浙江光復紀實 | 呂公望 | 一四四 |
|------------|-----|-----|

《近代史資料》一九五四年第一期（總一期）

|            |     |     |
|------------|-----|-----|
| 浙江辛亥革命光復紀事 | 張效巡 | 一五八 |
|------------|-----|-----|

《近代史資料》一九五四年第一期（總一期）

辛亥工程營杭州起義記 ..... 來偉良 ..... 72

《近代史資料》一九五七年第六期（總十七期）

關於辛亥革命浙江省城光復記事的補充資料 ..... 馬叙倫 ..... 80

《近代史資料》一九五七年第一期（總十二期）

紹興光復時見聞 ..... 陳燮樞 ..... 91

《近代史資料》一九五八年第一期（總十八期）

嘉興光復記略 ..... 馬濟生口述 董巽觀記錄 ..... 95

《近代史資料》一九五八年第二期（總十九期）

杭州求是書院罪辯文案始末記略 ..... 錢均夫 ..... 97

《近代史資料》一九五七年第一期（總十二期）

甯波國民尚武分會旬報片斷 ..... 100

《近代史資料》一九六一年第一期（總二十五期）

## 廣 西

辛亥革命時期的廣西 ..... 耿毅述 ..... 106

《近代史資料》一九五八年第四期（總二十一期）

|         |     |     |
|---------|-----|-----|
| 辛亥革命在柳州 | 李墨馨 | 124 |
|---------|-----|-----|

《近代史資料》一九五八年第二期（總十九期）

|           |     |     |
|-----------|-----|-----|
| 辛亥廣西援鄂回憶錄 | 耿毅述 | 126 |
|-----------|-----|-----|

《近代史資料》一九六一年第一期（總二十五期）

## 滇省光復始末記

本文見嵩明李文漢所纂松坡先生年譜，係採自民國元年趙式銘等所編之雲南光復史，經蔡鐸審定，多有增刪，原稿藏昆明昆華圖書館。

滇省舉義之遠因 清廷腐敗，稅政難出，陷國家於危險，置生民於塗炭，有志之士，羣深憤懣，爲國計民生，不能不將滿清傾覆，另行組織，俾得與世界各國謀真實之和平，圖人民之幸福，蓄勢待時者，已非一日矣。

滇省舉義之近因 清廷濫借外債，供私人揮霍之用，並提奪各省民修之鐵路，於是全國物議沸騰，羣起反抗，尤以四川、兩湖、廣東爲最甚。適湖北義軍舊曆八月首先發難，湖南繼之，本省軍界由統領蔡鐸與將校中之同志密議多次，遂決心舉義，爲他省之聲援，將恢復雲南全省作戰計畫及分途出師川黔計畫決定，因種種準備未成，不免稍有遷延。繼乃於舊曆九月初九夜按照預定計畫，實行攻擊省城。

滇省舉義時之概況 陰曆九月初九日下午，蔡統領發令：命李參議官根源率帶步隊七十三標由北較場向省城北門及東門一帶進攻，羅統帶佩金率帶步隊七十四標由巫家壩向南門及東門一帶進攻，命砲隊韓統帶國饒率帶砲隊一營分爲三部聯絡部隊，俟進城後放列於西南東三門之城樓附近，命張教官子貝等率陸軍講武堂全部由城內動作，爲開城之準備，命機關槍營分屬於步砲各營，均於夜半開始運

動，同時攻城，於揭曉前將全城四週城垣及城內之圓通山占領確實，俟天明時同時進攻，以步隊七十三標攻擊軍械局及五華山，以砲隊據置城垣，協同步隊施行射擊，置豫備隊一營於江南會館，爲各隊之策應。

初九午後九時，步隊七十三標正值準備之時，事機洩漏，該標統帶丁錦率標署衛兵出而彈壓，全標頑固將校亦羣起干涉，兩方遂起激烈之衝突，官兵中死傷廿餘名。李議參官根源遂率第二、三營李鴻祥、劉祖武等向城垣急進，九時三十分攻入北門，派隊占領銀元局兵工廠等處，以其主力逼攻軍械局及五華山。其時鍾統制麟同已早有準備，率巡防兩營、轄重營、憲兵營、機關槍隊及鎮署衛兵占領五華山，爲頑強之抵抗；軍械局內守衛兵（六十人）亦據險盛行射擊，機關槍之發射尤烈，我軍之死傷者將校以下三十人，黑暗中向敵突擊，肉搏數次，均未奏效，僅占領五華山北端之部。李參議以數兵據險以守，兵力甚優勢，且彈藥無多，行將告竭，乃舉火爲號，冀巫家壩軍隊之來援（時已十一時半），仍竭力攻擊軍械局，究不能得手。初九午後十時，蔡統領在巫家壩集步砲兩標重要將校，詳細規定攻擊計劃後，十時卅分，集合步砲隊兩標全體將校，述明今夕舉義宗旨，詞嚴義正，每出一語，各將校齊呼萬歲，歡聲雷動，誓出死力。宣布既畢，將校中有欲將軍官之滿人容山、惠森二人處以死刑者，經蔡統領、羅統帶力爲禁阻，命暫行拘留，俟事後釋放（翌日即縱之使去）。正值判決之際，有人從黑暗中向容、惠二人連放槍二發，幸未中。蔡統領復集合兩標當場給發子彈，檢查武器畢，將舉義宗旨簡單宣布，士卒莫不歡欣鼓舞，樂於用命，午後十二時陸續出發。時城內火起，槍聲隆隆，上道後即命用跑步分道急進，因道路不良，且黑暗異常，行進頗形遲滯，砲隊尤甚。初十日午前一時

半，機械槍隊（僅兩隊，餘爲鍾統制調去）至天台會合於本軍，分隸之於步砲兩標，一時四十分，抵南校場。時駐紮南城外之巡防隊二百人來降，蔡統領優予嘉獎，命其在正南城外一帶分紮，彈壓匪徒，保護居民。二時抵大東門城外，遇馬標隊伍。蔡統領與該標統帶田書年晤見後，令其梭巡城外四週，豫防匪類，檢察宵小。實則馬標之來城，係鍾統制當夜所調，用以防制革命軍者。蔡統領則以馬標之來意，實豫知其事而表同情者。田統帶亦以巫家壩軍隊之入城，係奉鍾之調來相救援者。彼此均皆誤會，以致兩未衝突，實爲幸事；否則必以兵火相見也。初十日午前三時，步隊七十四標第一營已占領西城垣，第二營已占領南城垣，第三營已占領江南會館（豫備隊），砲隊則於東南西三城門附近占領陣地，準備攻擊。

午前三時半，步隊七十四標第一營唐管帶繼堯率所部向制台衙門突擊二次，被該署衛隊猛烈之火擊退；第三營管帶雷騰撥一隊爲步隊七十三標之增援，攻擊軍械局，猛撲數次，均未得手。

午前六時天微明，據城各砲隊向五華山敵人陣地及督署開始射擊。七時步隊七十三標及七十四標第三營之一部，向五華山及軍械局進攻，七十四標第一二兩營向督署進攻，敵人頑強抵抗，互有死傷。時據圓通山軍火局之巡防隊（約一哨）向預備隊所在地，施行射擊，而七十三標反對派之官弁亦收拾殘兵，在東城向外城垣一帶射擊，爰於預備隊中分撥一隊禦之。敵人據軍火局一帶山地，頗得形勢，相持亘二時之久，始行擊散。

午前九時，各軍同時並攻陷入軍械局，五華山之全部，幾爲我所得，敵軍之機械降服者，絡繹不絕。鍾統制尙抵死不退，因以負傷，經醫兵抬出南門，爲兵士所見，處以死刑。王振畿於被擒後自願

投誠，嗣復爲衆所殺。

軍械局既爲我軍所得，各隊彈藥得以補充，士氣百倍，遂占領五華山全部，督署亦同時陷落；軍司令部乃出示安民，一面飭各隊整頓隊伍，分投駐紮，並定警戒區域及警戒法。是夜軍隊於五華山及城垣四週，徹夜露營。綜計是役彼我死傷者，將校以下百五十餘人，我軍死亡五十餘人，傷者四十餘人。

#### 滇省光復後之概況

○整理軍隊，嚴修戰備；○致電全省各文武官衙，照常供職，維持地方治安

；○電飭大理、臨安兩步隊，速即反正；○設軍政府於五華山之師範學堂；○派定軍政府臨時職員，分擔職任；○派西行支隊赴楚雄，截取張鎮臺之軍械；○致電各省宣告本省反正情形；○延見政界紳界各員，宣告一切；○組織軍政府，派定各部司長官；○分編軍隊，派定各軍將領；○派羅統帶爲南征軍統領，向蒙自前進；○派謝支隊赴呈貢等處，遊擊北上之蒙自巡防隊；○派張開儒支隊巡遊武定州祿勳各屬；○得臨安陸軍步隊第七十五標於十二日反正光復臨安之報，飭令以主力向蒙自進攻，確實占領之，嗣該標以一部留臨安，以一部向蒙自與龔道軍相遇於途，一戰破之，其督帶管帶等陣亡，龔道心洪、孔鎮繁聞風遁逃，其所部皆降；○大理步標於十五日反正，營內有小騷動，旋即平靖；○開化於十五日夜巡防隊叛變槍劫，經夏鎮台文炳剿平，十六日即率軍民反正；○全省文武官衙暨地方自治團體皆紛紛具文電仲賀，一律反正。

#### 以上皆陰曆九月十六以前之事。

○派援川軍第一梯隊赴川；○改巡防隊爲國民軍，更正服裝禮節；○改訂陸軍編製及餉章；○規定省城防禦計畫；○規定文官各衙門章程；○編定援川軍第二梯團；○騰永革命軍支部陳雲龍、蔣樹

本懷抱野心，肆行騷擾，經軍府電飭榆標勦辦，於漾濞一戰破之，陳退走，蔣於蒙化伏誅，騰永事粗定；②派迤西及四川巡按使宣示宗旨，撫綏軍民；③更換重要各地方行政官；④頒佈各項重要政；⑤派全權委員赴南京，提議政綱；⑥將駐城軍隊仍派回屯營，嚴行訓練，規復秩序；⑦改編軍隊，將新募之兵陸續編配入伍教練；⑧清理全省財政；⑨恢復省城警察；⑩賞恤在事出力各人員。

以上係九月十六以迄九月抄之事。

滇省反正以來，全省頗屬靜寧；惟有迤西各屬有陳雲龍等之滋擾，旋即平定。所惜者蒙自因賴道復祥之辦理不善，濫招匪人成軍，致有十月十三之變。嗣經滇軍府派員前往查辦，將肇事之人正法三十餘人，其餘兵丁，分別調省改編，懲其首要，解散脅從，銷禍患於無形，現則各屬已一律平靖矣。

滇省內政，經此次改革後，頗見進步，從前稅政，多經革除，經理財務，亦日有起色，百姓對於新布政令，俱極悅服，納稅輸糧，較滿清時代甚為踴躍，故財政上不甚困難，金融機關，甚形活潑。

滇省軍備巡防隊團練不計外，共有陸軍兩鎮。現有一鎮開赴入川及貴州，代平川黔匪亂。現軍府決定實行徵兵及短期兵役之法，預計戰時可出兵五萬以上，槍械新式者約足數二鎮之數，舊械歷年所積爲可用者亦不少。現軍府籌畫，擬將兵工廠大加擴張，專製新式槍砲子彈云。

滇省此次反正，純由陸軍主動，故勢力雄厚，不旬日而全滇底定。其主要人員多有政治知識與經驗，故一切善後佈置，俱能井井有條，秩序上之整嚴，實爲南北各省之冠。軍府現在籌畫振興實業，並注意整理交通事業。

滇省政界重要人物：都督爲蔡鍔，軍政部長爲羅鳳金，參謀部長爲殷承瓚，軍務部長爲沈汪度，

第一師長爲韓建鐸，第二師長李根源。反正時最出力者，尙有將校謝汝翼、李鴻祥、唐繼堯、黃毓英、雷繼諸人。謝、李現均任旅長。唐已赴貴州，任該省都督云。

## 辛亥雲南光復記

陳春生

辛亥滇省光復，發難之地，一爲省會，一爲騰越，而騰越起義在先。省會起義以九月九日，騰越起義以九月六日。茲將曹之麟君（編者按：一作曹之麒）之騰越光復紀略，孫種因君（編者按：一作孫仲瑛）之重九戰記，擇要分述於左，而參以諸家之紀錄焉。

### 騰越之光復

騰越光復事業，肇始於楊振鴻而成功於張文光。文光字紹三，騰越董庫村人，性任俠，經商於緬甸，由楊振鴻介紹入同盟會，嘗於騰越永昌諸地創自治同志會，得數千人。辛亥三月二十九日，廣州舉義，風聲所播，及於滇池，文光躍躍欲動，謀舉事於騰中，事未成而機先洩；騰越關道耿葆奎，總兵張家鉅，將捕文光，幸騰越廳同知溫良彝，與文光之黨張鑑安等善，力爲解脫，文光跳而免。迄八月十九日武昌起義，文光乃潛返騰越，密會於寶峯山寶峯寺，糾同戍騰陸軍第七十六標第三營及西防防軍第四五兩營，定期九月六日起事。是日午後七時，文光入南校場巡防第四營部，殺其管帶曹福祥

，而陸軍第三營排長陳雲龍，則鎗殺該營管帶張桐，合兵入城，圍攻鎮署及軍械局；彭瀝、方涵、李學詩、和朝選等皆以兵來會。彭、方、李、和諸同志皆雲龍講武堂畢業生，巡防營哨官長也。總兵張家鈺指揮兵士與黨人戰，敗績，吞金自斃。文光統軍轉攻道廳署，護西道宋聯奎請降，廳丞溫良彝遁匿民間，城中遂定。當事之始也，文光與各軍約，申明紀律，禁止掠奪，違者治以軍法；故軍興之際，城中安堵。其軍中約曰：民軍擅入人家者殺無赦；民軍搶奪人民財產者殺無赦；民軍姦淫民間婦女者殺無赦；妨害外國人生命財產者殺無赦。初八日，文光始稱漢西軍都督，以九星爲旗幟之徽，以黃帝紀元；致書英領事、稅務司、基督教堂，任保護，請無恐，並請稅務司照常辦公。英領事先以事至密止那，未在騰，稅務司終懷疑懼，請派兵護送回緬，至弄璋街，住數日，見騰中秩序尙整齊，乃返騰城，並得緬甸政府不干涉民軍之約。

騰越既光復，民軍機關設財政局，以張映賢、張鑑安筭之。設裁判局，以寸開泰、趙勳太筭之。設警務局，以李治、陳廷楷筭之。若參議處團練處，則任鍾春芳、寸尊福、林春華、張文運、盧占魁、楊連錦、張德洋、曹琨、金殿書、寸品昇、王百雍、張映芳等。銀行、稅關則任明瑞元、董友芳、許佩、楊大炳等。祕書則任唐珍、張洪綱、黃國治等。參謀處則任馬登瀛、鄧保泰、和朝選等。大率皆地方士紳或人望所歸者也。軍隊除原有之各營外，添募六營，及士林隊一營，蠻允之第六營，古永之第十一營，及隴川之綏邊營、野人山之保商營，並緝私營，均先後歸附。初十日龍陵軍哨官長張定甲、李槐，殺其管帶，降其廳丞，以兵響應，願受節制。其時雲南省垣尙未光復也。乃於初八日分兵爲三路，彭瀝率方涵等營出永昌，李學詩率李干槽、宋寶奎、李光斗等五營出順寧，劉得勝率一營出

雲龍州，期會於大理。十六日彭家驊隊入永昌，清管帶羅長庚起而抗拒，乃鎗殺之；保山縣知縣毛汝霖亦自殺。二十二日李學詩率隊入順寧，劉得勝經高黎貢山上江，收撫六庫、老窩、等梗、魯掌、卯照、練地各土司；二十四日入雲龍州。是時騰軍所佔有者，爲騰越、龍陵（初九晚光復龍陵）、永康、永昌（十二日光復永昌）、順寧、雲州、緬寧、雲龍諸縣及沿邊各土司地。

九月初九日蔡鐸、李根源等舉兵省會。十二日電至永昌，戍永陸軍教練官郭齡昌諾不發表，且與羅長庚積不相能，徑率所部返榆，渡瀾滄江，毀橋梁，斷電線，榆永之間，交通斷絕。陳雲龍統兵東下，至瀾滄江，修橋既成，兵始得渡，時已九月廿六日。二十九日抵曲洞，永平縣知縣蔣樹本乞降，雲龍任爲總參謀，兵事愈壞。時迤西巡按使趙藩、大理陸軍協統曲同豐聞報，乃電來，告以大理反正，毋啓兵釁。而省垣亦連電來，謂大理已定，省中兵力甚厚，騰軍毋庸東出，宜速率隊返永昌，以守騰永諸郡，一切餉需，省中願爲擔任。文光得電，亦命雲龍駐兵永平，聽候與省協議，不可冒昧前進。乃雲龍專信蔣樹本之言，必欲入榆，遂不受命。雲龍所部亦不聽雲龍之命，紛紛東下。樹本復請自効，率永平無賴千人，逕取蒙化。雲龍至漾濞，先鋒劉竹雲已抵平坡，所至騷擾，大理始舉代表周震、馬驥至合江，會雲龍軍，謂必欲入榆，請單騎以進；復邀騰軍以代表數人入榆協商。而騰代表至榆時，蒙化已爲蔣樹本奪取，大肆焚戮。榆軍聞警，遂出合江迎戰，至四十里橋，與陳雲龍軍遇，戰於合江，平坡、漾濞者三日，陳軍死三百餘人，大敗而奔，始收軍於太平舖；蔣樹本亦爲蒙化鄉兵所敗。戰端既開，騰、永皇皇。榆軍是時又會有軍官相殺協統曲同豐出走之事，軍心騷亂，城中亦騷騷不安矣。先是省中得報，乃推軍政部總長李根源爲陸軍第二師師長兼迤西國民軍總司令，節制文武官吏。

，專任西事。根源首電文光，激以大義，亟弭兵爭；文光及諸路軍隊各地方紳民復電，極表歡迎之意。根源，騰越人，夙有聲於鄉里，文光亦敬佩之；彭翼、李學詩、劉得勝等，又皆其門人，故聞根源之來，咸知西事易於和解。途次電文光，亟將陳雲龍撤回。文光卽命馬登瀛、和朝選星夜至陳軍，說雲龍退師永昌，於是永平以東無騰軍。根源既任西事，民心漸形安定，惟抵騰猶未可期，陳雲龍、劉竹雲等旋軍騰永，騷塞不馴，擁兵二三萬人，民間一日數驚，文光憂之而不能制；幸得永昌彭翼、方涵、騰越杜雲山、郎信泰及士林隊各營，陰爲維持，不致譁變。然給養不足，不得不本革命方略，按戶籍捐派。自舉兵至畢事，民人輸將，無慮數十萬，餉需不足，又發軍用票以濟急需。

十月二十七日根源至榆，文光派代表張文運、張鑑安、和朝選等赴榆歡迎，並討論善後事宜。根源提出九條：（一）裁汰兵勇。除順甯李學詩、雲龍州劉得勝兩軍另行辦理外，騰永只留七營，其被裁之軍餉及恩餉，均由省城撥任。（二）停止派捐。（三）設官置吏。軍隊不准干預地方政治。（四）所有騰軍收入用出之款，須逐款臚列，通告全省父老子弟週知。（五）軍用票卽日停發；其已發出者，限期收回，收回之款，由省城撥任。（六）禁運海鹽入境。（七）將劉竹雲、張文煥、杜文里、王元等交案審訊酌辦。（八）除留七營外，所有裁撤各員弁，飭其到省聽候委用或隨司令部差遣。（九）騰永人士公推多人到省城督府各部各司等處，共同辦理一切庶政。（附件）除會議專條外，該裁留七營之餉精並獎賞費與懲賞在事出力人員，均由省城撥任云云。代表電騰，文光覆電，一切承諾；並電榆請根源到騰，一切受約束維護。根源電致省垣，請授文光協都督，騰永順各軍歸其統轄。並委彭翼、李學詩等爲諸路統領。任張鑑安、林春華、李治、張文運、張映寶爲府縣知事。諸事略定，乃